



Inatsisartunut ilaasortaq Knud Fleischer, Kattusseqatigiit Partiiat  
Inatsisartut  
/MAANI

### § 37 apeqqut nr. 2012-171-imut akissuteqaat Ilulissat eqqaanni aalisarsinnaanermut akuersissutit aamma qaleralinnut pisassiissutit pillugit

Inatsisartut suleriaasianni § 37 naapertorlugu tulliuttunik Ilulissat eqqaanni aalisarsinnaanermut akuersissutit aamma qaleralinnut pisassiissutit pillugit apeqquteqarsimavit. Apeqqutit uannut akisassanngortinneqarnikuupput.

#### Naalakkersuisunut apeqqutit:

1. *“Aalisarnermut inatsisip allanngortinnerata kingorna, aalisarnermut akuersissutit pissarsiarineqartartut qanoq allanngoriaateqarpat*
2. *Aalisarnermut akuersissummik pissangaanni umiatsiaaraqarnissaq piumasaqaataava?*
3. *Ilulissat eqqaanni qaleralittassat nunguppata qanoq pisoqassua?”*

#### Akissutit:

##### 1-imut)

Qaleralinnut pisassiissutitut tunngatillugu imaappoq, angallatit 6 meterit sinnerlugit angissusillit 2009, 2010 kiisalu 2011-imi aalisarsimanitik tunngavigalugit pisassiissutitut pigisassanik tunineqarsimasut. Taamatut pisassiissutitut pigisat piffissamut aalajangersagaanngillat tonsinillu aalajangersimasunik amerlassusilinnik aalisarnermut atuutussaallutik, angallammut ataatsimut. Angallatit 6 meterit inorlugit angissusillit, tassa imaappoq umiatsiaaqqat, suli ukiumut ataatsimut aalisarsinnaanermik akuersissutitut tunineqartassapput umiatsiaaqqallu tamakku tamarmik aalajangersimasumik ataatsimoorussamik pisassiissutitut aalisartussaallutik. Taamaallaat inuit umiatsiaarallit, siusinnerusukkut qaleralinniarluni aalisarnermut aalisarsinnaanermik akuersissuteqarsimasut, 2012-imi qaleralinniarluni aalisarnermut aalisarsinnaanermik akuersissummik tunineqarnikuupput.

##### 2-mut)

Soorlu oqaatigineqareersutut, inuit umiatsiaarallit kisimik, siusinnerusukkut qaleralinniarluni aalisarnermut aalisarsinnaanermik akuersissuteqarsimasut, 2012-imi qaleralinniarluni aalisarnermut aalisarsinnaanermik akuersissummik tunineqarnikuupput. Piumasaqaataanngilaq inuit tamakku umiatsiaaqqamik piginnittuunertik uppernarsassagaat, umiatsiaaqqanikki piginnittut pillugit qitiusumit nalunaarsuiffeqartoqanngimmat, soorlu angallatit aalisariutit anginerit pillugit taamaattoq. Siunertaavorli siunissami umiatsiaaqqanik aalisarnermut atorneqartunik piginnittut pillugit qitiusumik nalunaarsuiffeqartoqalernissaa.

##### 3-mut)

Naalakkersuisunit piujuartitsilluni aalisarnermik ingerlatsinissaq aalajangiusimaneqarpoq. Maannakkorpiaq umiatsiaararsortunut ukiup sinnerani

8. august 2012  
Sagsnr. 2012-069672  
Dok. Nr. 966714

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.nanoq.gl

periarfissaasinnaasunik misissuisoqarpoq. Tassani aamma oqaatigineqassaaq, naak umiatsiaararsortunut pisassiissutit nungunneqarsimagaluartut, taava angallatit aalisariutit anginerit sulii qaleralinniarlutik aalisarsinnaassapput, pisassiissutitik sulii nungussimangikkunikkit.

Inussiarnersumik inuulluaqqusillunga

**Ane Hansen**

Aalisarnermut, Piniarnermut Nunalerinermullu Naalakkersuisoq